



UNIVERSITÄTS-
BIBLIOTHEK
PADERBORN

**Cl. Viri Valerii Andreae Desselii In Academia Lovaniensi
Professoris Regii Erotemata Juris Canonici**

Andreas, Valerius

Coloniae, 1697

XLI. De Regulis juris.

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

(Omissus & hic Titulus: inde ex Andr.
Vallenfi est adjectus?)

l. i. D. h.
tit.

Regula sumitur ex jure, non verò jus ex
Regula & propterea, postquam de
toto jure Pontificio actum est, sub-
jicitur coronidis loco Tit. De Regu-
lis Juris; & quidem post Tit. De Verbo-
rum Significat. quia disputatio de vo-
cibus simplicibus præcedere debet
disputationem de compositis.

Regula unde est dicta?

Dicitur Regula ex eo, quod rectè du-
cat, vel, ut alii volunt, ex eo, quod
regat, vel normam rectè vivendi præ-
beat, vel quod distortum pravamque
corrigat, ut habetur in *can. Regula Dist.*
3. Et Græcè dicitur *Canon. can. Canon.*
ead. Dist. 3. Unde & Jus Pontificium
dicitur Canonicum, id est, Regulare.

Quid est Regula apud Jurisconsultos?

Jurisconsultis Regula est quædam
compendiosa enarratio multarum re-
rum, variis partibus juris definitarum.
Unde Azo Regulam definit, esse pluri-
um rerum traditionem compendiosa
narratione factam; & Paulus, *Jurisc. in*
d. l. i. D. h. t. Regulam esse, quæ rem, quæ
est, breviter enarrat Cujus sensus est,
quod in regula sit oratio, quæ rem, quæ
est,

est, id est, Jus, quod in ipsa controversia
 sequi oportet, seu causam ac rationem
 plurium rerum in arte juris definita-
 rum breviter, id est, generaliter, & qui-
 dem ex jure constituto & recepto enar-
 rat. Cum enim, ut & in aliis scientiis,
 non omnia facta & Individua, utpote
 infinita, possint aliqua ratione compre-
 hendi ac cognosci, ita neq; Leges, neq;
 Senatus consulta ita scrib. potuerunt,
 vel possunt, ut omnes casus, qui quan-
 doque incidunt, comprehendant, * ne-
 cessum fuit, exemplo aliarum scientia-
 rum, etiam in jure, ex iis, quæ in variis
 ejus partibus definita sunt, aliquas ge-
 nerales Regulas constituere, quæ con-
 tinerent causam & rationem primariã;
 quã mori fuerunt prudentes ad ita de-
 finiendum, & proinde nobis primariam
 rationem juris controversi decidendi
 præberent. Sic Ulpianus, cum in diver-
 sis juris partibus observasset primùm
 moribus receptum, deinde Legibus
 constitutum, quod fœminæ non pos-
 sent esse judices, Magistratum gerere,
 postulare, curatrices esse, sic de simili-
 bus, inde desumpsit & constituit uni-
 versalem regulam, quod fœminæ ab o-
 mnibus civilibus officiis, vel publicis
 remotæ sint l. 2. D. eod. Et rursus, cum
 variis in partibus juris definitum esset,

* l. 10. ne
 que Le-
 ges D.
 De LL.

pis

pisces, feras bestias, lapillos in litore ma-
 ris inventos, fieri occupantis, quia in nul-
 lius bonis sunt, inde desumpta est hæc
 cōpendiosa regula, quæ in nullius bonis
 sunt, fiunt primo occupantis; & sic de si-
 milibus. Atque ita patet imprimis, c. 1.
 regula dicatur ex jure nasci, non autem
 Jus ex Regula. Secundò patet, quanta sit
 utilitas Regularum juris, quodque id
 sint Regulæ Jurisconsultis quod Medi-
 cis Aphorismi, Geometris Postulata; &
 cur dicat Jurisconsultus in l. 1, D. eod.
 quod si vitiata sit regula, perdere officium
 suum. Porro regulæ, quæ hinc tra-
 duntur, sunt, quod omnis res, per qual-
 cunque causas nascitur, per easdem dis-
 solvatur, c. 1. Quod dubia in meliorem
 partem sint interpretanda c. 2. Quod
 necessitas illicitum faciat licitum; simi-
 les. Quarum prima primariam continet
 rationem & causam, cur stipulatio, quæ
 est verbis contracta, possit verbis ipso
 jure dissolvi; non etiam emptio, locatio,
 mutuum, & alii contractus, aliter quam
 verbis initi: Item cur emptio, locatio,
 mandatum, societas, quæ solo contrario
 dissensu dissolvi; & sic de aliis Regulis
 Juris Can. ut fufius hinc Pekius, ad quem
 Lectorem remittimus.

Finis Libri Quinti.